

## **Tres estudantes de hostalería do CPR Belarmino Fernández Iglesias comezan a súa formación en centro de traballo (FCT) en Europa grazas ó programa Erasmus+**

O CPR Belarmino Fernández Iglesias, en Rosende (Sober) participa no programa Erasmus+ co seu proxecto 2022-1-ES01-KA122-VET-0000174853EVT FUNDACIÓN BELARMINO FERNÁNDEZ IGLESIAS HOSTELERÍA RIBEIRA SACRA II.

Este proxecto Erasmus+ vaille dar a oportunidade a un estudante do Ciclo Formativo de Grao Medio de Servizos en Restauración e a dous estudantes do Ciclo Formativo de Grao Medio de Cociña e Gastronomía de poder realizar as prácticas correspondentes ao módulo de Formación en Centros de Traballo de cada unha destas especialidades en empresas hostaleiras de Finlandia e Italia dende a próxima semana e ata mediados de Xuño, o que lles permitirá mellorar a súa formación desenrolando o seu labor en restaurantes do estranxeiro, ademais de favorecer a aprendizaxe das linguas dos países de acollida e coñecer outras culturas. Este proxecto Erasmus+ da Unión Europea tamén contempla a mobilidade do profesorado do CPR Belarmino Fernández Iglesias que a partir do mes de maio tamén realizará estadias noutros países europeos para coñecer de primeira man como outras entidades ou socios de acollida desenvolven a súa actividade para levar a cabo estes proxectos e fomentar futuros intercambios de toda a comunidade educativa con outras institucións europeas, ademais de coñecer de primeira man como se está a desenvolver a hostalería noutros países. A directora do Centro e coordinadora do programa Erasmus+, Rebeca Vázquez Iglesias, indica “Estamos encantados de que o noso Centro participe neste proxecto Erasmus+ que é unha continuación do rematado o ano pasado. Permite ao noso estudiantado poder levar a cabo as prácticas no estranxeiro, o que para eles é unha oportunidade única de coñecer outros países, outras culturas e outras linguas, tamén para as empresas galegas xa que contarán con rapaces cunha visión máis internacional da hostalería e tamén para todos nós, xa que nos permite avanzar na internacionalización educativa do noso Centro”.

Erasmus+ 2021-2027 é o renovado programa da Unión Europea nos ámbitos da educación e a formación, mocidade e deporte, que ofrece oportunidades para todas as persoas e en todos os sectores educativos (Educación Escolar, Formación Profesional, Educación Superior e Educación de Persoas Adultas). Este novo Erasmus+ é máis internacional, máis inclusivo, máis dixital e máis ecolóxico, apoiando a transformación dixital, a inclusión e a diversidade, ademais do medio ambiente e a loita contra o cambio climático. Cun orzamento de máis de 28.000 millóns de euros, financiaranse proxectos de mobilidade e cooperación transfronteiriza relacionados coa aprendizaxe para 10 millóns de persoas de todas as idades e de todas as orixes. En España, o programa Erasmus+ xestiónase por parte do Servizo Español para a Internacionalización da Educación (SEPIE), organismo público adscrito ao Ministerio de Universidades que actúa como Axencia Nacional do programa nos ámbitos da educación e a formación.

### **NOTAS ÓS REDACTORES**

Para obter máis información sobre o proxecto ERASMUS+ 2022-1-ES01-KA122-VET-0000174853 EVT FUNDACIÓN BELARMINO FERNÁNDEZ IGLESIAS HOSTELERÍA RIBEIRA SACRA II, por favor póñanse en contacto con nós a través de noso email [cpr.belarmino@edu.xunta.gal](mailto:cpr.belarmino@edu.xunta.gal) ou chamando o teléfono 982460469. Tamén poden consultar a nosa web <https://fundacionbelarminofernandez.com/erasmus/> ou as nosas redes sociais:

- Twitter: @CPRBelarminoFdz

- Facebook: [www.facebook.com/fundacionbelarminofdez](https://www.facebook.com/fundacionbelarminofdez)
- Instagram: @fundacionbelarminofdez

### **Acerca do programa Erasmus+**

O novo programa Erasmus+ 2021-2027 ten como obxectivo principal, no ámbito da educación e a formación, a promoción da mobilidade educativa das persoas e os colectivos, tanto do alumnado como do persoal, así como a cooperación, a calidade, a inclusión e a equidade, a excelencia, a creatividade e a innovación a nivel das organizacións e as políticas. En relación coas políticas educativas europeas, en especial ao co Espazo Europeo de Educación 2025, as prioridades do Programa son a inclusión e diversidade, a transformación dixital, o medio ambiente e a loita contra o cambio climático, e a participación na vida democrática. O Programa articúlase ao redor de tres liñas principais de actividade ou accións clave (KA), ademais da acción Jean Monnet:

A acción clave 1 (KA1), mobilidade das persoas por motivos de aprendizaxe.

A acción clave 2 (KA2), cooperación entre organizacións e institucións.

A acción clave 3 (KA3), respaldo ao desenvolvemento de políticas e á cooperación.

Accións Jean Monnet.

En España, o programa Erasmus+ xestiónase por parte do Servizo Español para a Internacionalización da Educación (SEPIE), organismo público adscrito ao Ministerio de Universidades que actúa como Axencia Nacional do programa nos ámbitos da educación e a formación.

O Programa conta cunha dotación económica de máis de 28.000 millóns de euros, que permitirá financiar proxectos de mobilidade e cooperación transfronteiriza relacionados coa aprendizaxe para 10 millóns de persoas de todas as idades e de todas as orixes.

En canto ás súas prioridades:

- Erasmus+ é máis inclusivo: ofrece maiores oportunidades a todo tipo de persoas, incluídas as persoas con orixes culturais, sociais e económicos diversos. Facilitanse os trámites de solicitude para que as organizacións máis pequenas poidan presentar solicitudes, grazas ás asociacións a pequena escala e ao uso de subvencións simplificadas.
- Erasmus+ é máis dixital: Erasmus+ apoia o desenvolvemento de capacidades dixitais, en consonancia co [Plan de Acción de Educación Dixital](#). Ofrece formación e intercambios dixitais de alta calidade a través de plataformas como [eTwinning](#), [School Education Gateway](#) e fomenta os períodos de prácticas no sector dixital.
- Erasmus+ é máis sostible: en consonancia co [Pacto Verde Europeo](#), o Programa promove que os participantes utilicen modos de transporte máis sostibles, como o tren e o autobús. Tamén investirá en proxectos que promovan a sensibilización sobre cuestións ambientais e facilitará os intercambios relacionados coa mitigación da crise climática.

Ademais destas prioridades, o novo Programa caracterizarase por ser aínda máis internacional, permitindo así a cooperación con terceiros países, unha cooperación reservada ata o de agora á Educación Superior e que se amplía aos sectores da Educación Escolar e a Formación Profesional.

Existen oportunidades para estudantes (especial atención a participantes con menos oportunidades), docentes e formadores, tanto para mobilidade para estudos e/ou prácticas no caso de estudantes, como para docencia ou formación no caso de profesorado e formadores.